



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### დადვაძე ბონდო იონას ძე



დ. დადვაძე

დადვაძე ბონდო იონას ძე (დ. 22. III. 1934, ზესტაფონი), ფოტოჯურნალისტი. საქართვ. ხელოვნების დამს. მოღვაწე (1992), საქართველოს, რუსეთისა და საერთაშ. ურნალისტთა ფედერაციის წევრი.

დაამთავრა თბილ. სახელმწ. კონსერვატორიის საორგესტრო ფაკ-ტი (1960), წლების განმავლობაში უკრავდა სახელმწ. სიმფონიურ ორკესტრში. 1959-72 მუშაობდა ფოტოკორესპონდენტად სხვადასხვა მედია საშუალებებში. შემდეგ იყო გაზ. „თბილისის“ ილუსტრაციის განყ-ბის გამგე (1972-73), საქართვ. მინისტრთა საბჭოს საქმეთა

მმართველობის ფოტოკორესპონდენტი (1972-86), საქართვ. ურნალისტთა შემოქმედებითი კავშირის (ფედერაცია) ფოტოსტუდიის დირექტორი, „თბილიფოტოს“ დირექტორი (1973-75), საქართვ. დიზაინერთა ფოტოლაპორატორიის უფროსი (1988-91), „საქინფორმის“ ფოტოქრონიკის მთ. რედაქტორი (1991-94).

ავტორია ფოტოალბომისა „ქართველ საზოგადო მოღვაწეთა პორტრეტები ავტოგრაფებით“ (2007).

დ-ის პერსონალური ფოტოგამოფენები მოეწყო როგორც საქართველოში, ასევე საზღვარგარეთ (მოსკოვი, აშშ, რუმინეთი, მალტა, გერმანია, საბერძნეთი, იაპონია და ა. შ.).

დაჭილდოებულია ღირსების ორდენით (1999).

---